

**Akileraruserinermik ingerlatsineq pillugu
Inatsisartut inatsisaata allanngortinneqarneranik
Inatsisartut inatsisaat
(Killeqarfiit akimorlugit aaqqissuussinerit il.il. pillugit
nalunaaruteqartussaataitanerit
allanngortinneqarnerat, kiisalu nunani allani
oqartussanik suleqateqarnermi paasissutissanik
tigusineq aamma ingerlatitseqqinneq,
aningaasarsianit akilerarutit pillugit Inatsisartut
inatsisaani ingerlatseqatigiiffinnut akilerarutinit
akiliutaagallartut eqqunneqarnerata kingunerisaanit
iluarsisassat, kiisalu pinerluttulerinermik Inatsimmut
innersuussinermut iluarsisassat)**

§ 1

Akileraruserinermik ingerlatsineq pillugu Inatsisartut inatsisaanni nr. 11, 2. november 2006-imeersumi kingullermik Inatsisartut inatsisaatigut nr. 38, 28. november 2019-imeersukkut allanngortinneqartumi ima allannguisoqassaaq:

1. § 9-mi ”§ 29” uunga: ”§§ 50-54” allanngortinneqassaaq.

2. § 9-p kingorna ilanngunneqassaaq:

” § 9 a. Paasissutissanut § 69 b, nr. 1 naapertorlugu nalunaarutigineqartunut tunngatillugu, akilerartarnermullu ingerlatsiviup aningaasanik peqquserlunnikkut malunnarunnaarsaasarnermut oqartussanit pissarsiaanut, § 9 naapertorlugu nipangiussisussaataitaneq aamma inummut imaluunniit inatsisit malillugit inuttut isigineqartumut, paasissutissani pineqartumut atuuppoq, tamatumani pineqartumut paasissutissat ingerlateqqinnissaat pillugu sulianik ingerlatsineri paasissutissanillu inummut tunngasunut inatsisit naapertorlugit inatsisitigut pisussaaffeqarneq apeqqutaatinngu atuuppoq.”

3. § 27 ima oqaasilerneqassaaq:

” § 27. Ingerlatseqatigiiffinnut peqatigiiffinnullu il. il., tamakkiisumik killilimmilluunniit akileraartussaasunut, akileraarutinit akiliutaagallartut pillugit Inatsisartut inatsisaanni § 85 a naapertorlugu akileraarutinit akiliutaagallartunit akileraarutissat annertuneruppata, akileraaruseriffimmit akileraarutit 6 procentimik tapiissutitut akiliutinik ilallugit akiliisitsiniutigineqassapput. Tamannali taamaallaat atuutissaaq akileraarutissat 99 kr.-nit annertuneruppata.

Imm. 2. Akileraarutissat tapiissutitut akiliutinik ilallit imm. 1 naapertorlugu ukiumi akileraaruseriiffimmi ulloq 1. novembari akilernerqartussaapput, piffissaagallartillugu akiliiffissaq kingulleq tassaalluni ulloq 20. novembari. Piffissaagallartillugu akiliiffissaq kingulleq sapaataappat, nalliuttuuppat imaluunniit arfininngorneruppat piffissaatitaasoq ulluinnag tullermut sivitsorneqassaaq.

Imm. 3. Akileraarutinit akiliutaagallartut akileraarummit annertuneruppata, imm. 1 takuuk, akileraarummit annertunerussutaasut kingusinnerpaamik ulloq 20. novembari utertinneqassapput. Piffissaagallartillugu akiliiffissaq kingulleq sapaataappat, nalliuttuuppat imaluunniit arfininngorneruppat piffissaatitaasoq ulluinnag tullermut sivitsorneqassaaq. Akileraarummut akiliut akileraarummit 99 kr.-t ataallugit annertuneruppat, akileraarummut akiliutaavallaartoq utertillugu akilernerqassanngilaq. Akileraarutissaviit qaangerlugit akiliutigineqarsimasunut taartisiaqartitsinertaqanngilaq imaluunniit tapiissutitut akiliutinik ilassutissiisoqarnani.

Imm. 4. Kingorna aalajangiisoqarpat, akileraarutinit qaffaasoqarnissaanut kingunerqartumik, imm. 1-i naapertorlugu akileraarutit akilernikippallaarneqarnikut tapiissutitut akiliutinik ilallugit qaammatip aalajangiinnermit qaammatit pingasut qaangiunneranni tulluuttup aallaqqaataani akiligassanngussapput, qaammatillu akiligassanngorfiup ulluisa 20-at tassaalluni piffissaatillugu akiliiffissaq kingullerpaajussalluni. Piffissaagallartillugu akiliiffissaq kingulleq sapaataappat, nalliuttuuppat imaluunniit arfininngorneruppat piffissaatitaasoq ulluinnag tullermut sivitsorneqassaaq. Oqaaseqatigiit siullerniittut akileraarutit qaffanneqartut imm. 1 naapertorlugu tapiissutitut akiliutinik ilallit, ukiumi akileraaruseriiffimmi ulloq 1. novembarimit aallartittumik qaammatit aallartinneri tamaasa 0,5 procentimik aalajangiinnermik nalunaarummi ulloq tikillugu erniaqartinneqassapput.

Imm. 5. Kingorna aalajangiisoqarpat, akileraarutinit appaasoqarnissaanut kingunerqartumik akileraarutit aningaasartaat akiliutaavallaarsimasut aalajangiinnerup kingorna qaammatip ataatsip qaangiutinnginnerani 6 procentimik tapiissutitut akiliutinik ilallugit utertinneqassapput. Akileraartussaataq aningaasat utertinneqartut pillugit ukiumi akileraaruseriiffimmi 1. novembarimit aallartittumik qaammatit tamaasa 0,5 procentimik aalajangiinnermik nalunaarummi ulloq tikillugu erniaqartinneqassaaq. Utertittassat Imm. 4 naapertorlugu aningaasanut akiliisitsiniutigineqarsimasunut tunngasut erniaat aatsaat naatsorsorneqalissapput ullormit akiligassanngorfigisimasamit.

Imm. 6. Aningaasat Imm. 2-5 taaneqartut kr.-t ilivitsunut ammut akunnaallineqassapput.

Imm. 7. Akileraaruseriffiup malittarisassat Naalakkersuisunit aalajangerneqarsimasut naapertorlugit pissutsini immikkut ittuni, ingerlatseqatigiiffinnut peqatigiiffinnullu il. il. akileraarutinit akiliisitsiniarnermi imm. 1-imi aamma imm 4-5-imi tapiissutitut akiliutinik ilasisoqannginnissaa, akuerisinnaavaa.”

4. § 29-mi ”§ 27, Imm. 2 aamma 3” ima: ”§ 27, Imm. 2 aamma 4” allanngortinneqassapput.

5. § 66-ip kingorna, ilanngunneqassaaq:

” § 66 a. Akunnermiliuttut akileraartartullu susassaqtartut killeqarfiit akimorlugit aaqqissuussinerit

ilisimasatik, tigummisatik nakkutilliiffigisatilluunniit pillugit paasissutissanik akileraaruseriffimmut nalunaaruteqartarnissaat pillugu malittarisassanik Naalakkersuisut aalajangersaasinnaapput. Tamatuma saniatigut akunnermiliuttoq oqaaseqatigiit siulliit malillugit malittarisassat atuutsinneqartut malillugit nalunaaruteqartussaataaniarnani qinnuteqartoq tamanna pillugu akunnermiliuttunut akileraartartunulluunniit attuumassuteqartunut allanut nalunaaruteqartassasoq pillugu malittarisassanik Naalakkersuisut aalajangersaasinnaapput.

Imm. 2. Akileraartarnermut ingerlatsivik killeqarfiit akimorlugit aaqqissuussinermi, malittarisassat imm. 1 malillugu atulersinneqartut naapertorlugit nalunaarutigineqartumut qisuarianngippat, imaluunniit akileraartarnermut ingerlatsivik qallunaanit, savalimmiormiormiut imaluunniit nunani allani oqartussanit paasissutissanik pissarsisimaguni, tamanna aaqqissuussinerup atortusaaqaneranik imaluunniit aaqqissuussinerup taassuma akileraartarnikkut suliarineqarsimaneranik akuersinermik tamanna nassataqanngilaq.”

6. § 69-ip kingorna immikkoortoq V-mi ilanngunneqassaaq:

” **§ 69 a.** Akileraaruseriffik qinnuteqartoqareerneratigut meeqqanut katissimallugulu aapparisaamut akiliutit aalajangersarneqarnissaat allanngortinneqarnissaalluunniit pillugu suliat suliarineqarnissaanni atugassatut akileraartartoq pillugu aningaasaqarnikkut paasissutissanik nunani avannarlerni oqartussaasunut ingerlatitseqqissinnaavoq.”

Nunani allani oqartussanik il. il. suleqateqarneq

§ 69 b. Akileraaruseriffik, Savalimmiuni, Danmarkimi aamma nunani allani inatsisinut susassaartitaaffiusuni, aalajangersakkat tulluuttut naapertorlugit paasissutissanik oqartussanut piginnaasunut tunniussisarluunilu pissarsisarpoq:

- 1) aningaasanik malunnarunnaarsaasarnermik aamma peqqarniisaarnianik aningaasalersuineramik pinaveersaartitsiniarnermut pineqaatissiissutitut (aningaasanik malunnarunnaarsaasarnermut malittarisassat) Kalaallit Nunaanni atuuttut pillugit kiisalu, aningaasanik malunnarunnaarsaasarnermut malittarisassat Kalaallit Nunaanni atuuttut naapertorlugit paasissutissat nalunaarutigineqarsimasunut akileraartarnermik oqartussat paasissutissanik atorsinnaanerit pillugit nunani tamani isumaqatigiissutit aamma isumaqatigiinnikkut atortuusussatut aalajangiussat attuumassuteqartunut inatsisiliorneq,
- 2) akileraarutitigut suliaassanik aqutsinikkut ikioqatigiinnissaq pillugu Kalaallit Nunaat Savalimmiut Danmarkillu imaluunniit nunani allani inatsisinut susassaartitaaffiusut akornanni suleqatigiinnissamut isumaqatigiissuteqarneq, aamma
- 3) akileraarutitigut suliaassanik aqutsinikkut ikioqatigiinnissaq pillugu nunani allani isumaqatigiissutitut aalajangiussat imaluunniit aalajangersagaq alla Kalaallit Nunaannut atuuttoq.”

§ 2

Inatsisartut inatsisaat 1. januar 2022-mi atuutilissaaq.

Imm. 2. Akileraaruserinermik ingerlatsineq pillugu inatsimmi § 66 a naapertorlugu aalajangersakkat atuutsinneqalersut, inatsimmi matumani § 1, nr. 5-imi oqaasertai malillugit killeqarfiit akimorlugit

aaqqissuussinernut sunniuteqarsinnaapput, tamatumani iliuuseq siulleq ulloq 29. oktober 2014-imi kingusinnerusukkulluunniit ingerlanneqareerluni.

Namminersorlutik Oqartussat, ulloq 1. december 2021

Múte Bourup Egede
Naalakkersuisut Siulittaasuat

Namminersorlutik Oqartussat
Imaneq 4
3900 Nuuk
E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit
Namminersorlutik Oqartussat inatsisinut toqqorsiviat
Naalakkersuisut